

Gvangjsih Minzczu Bau

Cawjguenj: Gvangjsih Bouxcuengh Swcigih Minzczu Cunghgyau Swvu Veijyenzei

Cawjbanh: Gvangjsih Minzczu Bause

Geiz neix 8 banj

广西民族报 Aenhauh okbanj: CN45-0036

B.2025

Nd.6 Ng.11

Liggaeuq ietceih nienz ndwenngux cibroek

Geizsoq: Gungh daih 3672 geiz

Hawfwen Hamj Guek Youq Raemxdiuqdat Dwzdenh (Banjyoz) Cungguk Yeznanz Yienj

Hawfwen hamj guek Cungguk Yeznanz 6 nyied 5 hauh youq Dieg Doxgap Baeyouz Hamj Gyaiq Raemxdiuqdat Dwzdenh(Banjyoz) Cungguk Yeznanz guh, canghheiq, bouxcoz Cungguk Yeznanz youq henz Dahgveihcunh aeu fwen foux gyau youx, aeu vwnzva cien zingz, caez lwnh gij cingzgeih Cungguk Yeznanz song guek.

Dieg Doxgap Baeyouz Hamj Gyaiq Raemxdiuqdat Dwzdenh(Banjyoz) Cungguk Yeznanz dwg Cungguk aen nduj dieg doxgap baeyouz hamj gyaiq, dwg Cungguk Gvangjsih Bouxcuengh Swcigih caeuq Yeznanz Gauhbingz Swngj caezcaemh hwnqguh caeuq saedhengz, gyaiq dwg gadah Dahgveihcunh.

Ngoenzhaenx, canghheiq Cungguk biujyenj danz aendwngz 《Fwen Dahcej》《Danz Hwnj

Aendwngz Sim Angqyangz》doengh gij cezmu z miz daegsack minzczu neix, canghheiq Yeznanz yienj lien zciengq 《Hoihhoengh Gauhbingz》、senjduenh diuhgeq aendwngz 《Damqhaj》doengh gij heiq neix. Canghheiq Cungguk habciengq 《Yeznanz Cungguk》，gangjok gij ngeixnaemj doxdoengz cien zswnj cingzgeih bouxminz song guek.

Geij bi neix daeu j, aen Raemxdiuqdat Dwzdenh (Banjyoz) Cungguk Yeznanz ndeu, hawj Gvangjsih Cungzcoj caeuq Yeznanz Gauhbingz Swngj doxgyau doxgap hoenghhwd. Youq Dieg Doxgap Baeyouz Hamj Gyaiq Raemxdiuqdat Dwzdenh(Banjyoz) Cungguk Yeznanz, bouxhek banh sat mizgven soujsuz haeujok gyaiq le couh ndaej guhbaenz “mbaw biuq ndeu youz song guek” “ngoenz ndeu youz song guek”, huq lai, gvaq gvan heih, ciuyinx

yied daeu j yied lai bouxhek daeu j youz “dajgaj”; giekdaej sezsih hwnqguh “doxdoeng geng”、civei goujan “doxdoeng unq”, coihaeu j Cungzcoj caeuq Gauhbingz gizgiz diegdieg doxgyau doxgap mboujduenh ietraez、ngoenz lai gvaq ngoenz; laebdaeb guh gij yienghsaeh Cungguk Yeznanz yinzvwnz doxgyau, engqgya hawj song dieg bouxminz sim doxdoeng.

Ciuq gyoepsuenq, Dieg Doxgap Baeyouz Hamj Gyaiq Raemxdiuqdat Dwzdenh(Banjyoz) Cungguk Yeznanz daj 2023 nienz 9 nyied sawq guh daengz bineix 5 nyied mued, gaenq gyonj ciepdaih duenz baeyouz hamj gyaiq 2300 lai aen, lijyouz souhaeu j mauhgvaq 8000 fanh maenz ngaenz Cungguk.

(Yangz Cinz Yungz Dunghlinz)

Lozcwngz:

Ciengx Nonsei Hawj Bouxguhnaz Lai Ndae j Cienz

6 nyied 6 hauh, youq Hozciz Si Lozcwngz Mulaujcuz Swciyen Vaizginz Cin Ginzcah Ndaem Ciengx Ciennieb Hozcozse, gyoengqvunz cingq gip reh nonsei. Geij bi neix daeu j, aen yienh neix ciuq saed dingh geiq diuzcingj gapgya canjnieb, baengh “gunghsw + dieggiek + hozcozse + nungzhu”, mboujduenh guh hung guh ak ndaem gosangh ciengx nonsei, coihaeu j bouxguhnaz lai miz ngaenz roengz daeh, ndaem ciengx demndaej. Seizneix, aen yienh neix ndaem gosangh miz 9.2 fanh moux, ranz ciengx nonsei mauhgvaq 2.8 fanh ranz, guj bineix daengx yienh ndaem gosangh ciengx nonsei baenz cien mauhgvaq 13 ik maenz.

(Liu Gvanghfuz ingi)



Mboengq Ngoenzgyaj Duenngux Gvangjsih Nanzningz Si Ciepdaih Bouxhek 237.14 Fanh Vunzbaez

Mboengqneix, Gvangjsih Nanzningz Si Vwnzva Gvangjden Caeuq Lijyouz Giz lwnh vunzlai rox, bi 2025 mboengq ngoenzgyaj ciet duenngux, Nanzningz Si comz vunz guh baenzroix saeh “vwnzva lijyouz diyzuz gaicawx” lai cungj lai yiengh, bouxhek okrog baeyouz angqvauvau. Ciuq gyoepsuenq, 3 ngoenz cuengqgyaj, Nanzningz Si gungh ciepdaih bouxhek 237.14 fanh vunzbaez, doengzbeij lai hwnj 12.1%; ndaej lijyouz souhaeu j 20.82 ik maenz, doengzbeij

lai hwnj 13.3%.

Ngoenzgyaj duenngux ngamj bungz ciet lwnyez gozci “roekit”, Nanzningz Si daengx ranz vunz okbae henz singz youz, bohranz lwnyez caez guh’ angq hawj vunzlai haengjgyaez raixcaix. Gak aen diegbaeyouz, diegguh-angq, vwnzboz cangzgvanz doengh gij neix doiok 28 hangh doenghyiengh mbouj aeu cien roxnaez gai cienh, 14 aen diegbaeyouz A gaep laebdaeb doihengz “mbaw fei yungh sam ngoenz”, coihaeu j vwnzlij siuhfei laebdaeb hwnj

lai.

Bae sawq bae caeuqfaenh minzsuz, vwnzva ciuhgeq hoenghhwdhwd. Suck faengx, soengq mbawngaih, guh daehhom doengh gij saeh neix vunz hix gyaez raixcaix, hawj ngoenzciet miz yinxdaeuz mbouj doxdoengz. Youq bi 2025 daengx guek ruzlungz caez lien zdoengh nem Nanzningz ruzlungz goenghaisaiq yienhciegz, foux lungz foux saeciej, eu fwen doengh gij saeh neix caeuq ruzlungz doxdax caez guh, caemhcai

caeuq dieg gai gaiqgwn henzgyawj, danfaenzcauh cauh baenz “aen gien sawj cien z henz dah”, hawj bouxhek roxnyinh gij yinxdaeuz vwnzva duenngux Nanzningz.

Nanzningz Si gak diuz gai hix hopheux ngoenzgyaj doiok baenzroix yienghsaeh hawj gyoengq bouxhek gvaq ngoenzgyaj daegbied, hawj gyoengqde lai daeu j youz lai sawj cien z.

Ciuq soqgawq yienh’ ok, mboengq ngoenzgyaj ciet duenngux, Nanzningz ngoenz

bingzyaenz ciepdaih bouxhek, baeyouz sawj cien z faenbied doengzbeij lai hwnj 41.1%、43%；bouxhek gapgya cujyau dwg bouxhek baihrog, bouxhek rog gih Gvangjsih ciemq 65.0%，bouxhek rog Nanzningz ciemq 86.7%；banhaemh baeyouz sawj cien z ciemq cujyau, gveihmoz ciemq 63.6%，doengzbeij lai hwnj 51.8%；vunz dingh fei haeujdou dieg-baeyouz、bouxhek sawj cien z faenbied doengzbeij lai hwnj 230.5%、155.7%.

(Moz Lanzyenj)